

Vinavant en direcziun final

Tir da gruppas: 2. runda

DA GION NUTEGN STGIER / ANR

■ **Da las 22 gruppas grischunas che han sajettà la segunda runda naziunala restan anc 14 en la concorrenza. La terza e davosa runda è lura er decisiva per cuntanscher il final. Sin buna via da far quel zap è er Castrisch e Ruschein.** Ils tiradurs grischuns han er testifigà en la segunda runda dal tir da gruppas naziunal lur segirezza da culp. Tratg ferm è cunzunt vegni en il champ D, quel cun l'arma da militar ed il schluppet 57/03. Dentant persvas han ils tiradurs da noss chantun er en la concorrenza singula. Sco gia en l'emprima runda, nua che *Toni Ardüser* (Alvagni) aveva sajettà 149 puncts da 150 pussaivels en il champ D, è cun *Miguel Sgier* (Tumegl) danovamain reüssi ad in tiradur da noss chantun da far 149 puncts e quai da total 1250 tiradurs.

Fin per Castrisch en il champ A

En il champ A, la categoria cun la buis da standard, èn vinavant da la partida las gruppas da Favugn e Haldenstein. Il quintet da Favugn ha tratg 952 puncts ed ils tschintg tiradurs da Haldenstein han sajettà 953 puncts. Da supponer è che omaduas gruppas vegnan strusch da sa qualificar per il final da l'entschatta da settember a Turig. Eliminadas en quella categoria èn las gruppas da Castrisch e Tavau, omaduas cun in total da 936 puncts.

703 puncts per Ruschein

Dominà ina giada dapli il champ D (arma da militar e buis 57/03) han ils tiradurs da Tumegl. Da las 250 gruppas che han tratg la segunda runda svizra en quella categoria èn Tumegl I cun 716 puncts e Tumegl II cun 712 puncts a la testa da la rangaziun. In resultat excellent è er



Ils tiradurs grischuns han er persvas en la segunda runda naziunala dal campiadadi svizzer da gruppas.

FOTO G. N. STGIER

reüssi a la gruppa da Ruschein cun total 703 puncts. Exact tants puncts ha er sajettà la gruppa Alvra. Naziunal han da las 250 gruppas be 12 tratg 700 puncts e dapli e da quellas cun Tumegl I, Tumegl II, Ruschein ed Alvra gist quatter gruppas grischunas. Ina runda vinavant èn er anc las gruppas Bregaglia (696), Aschera (696), Tusaun (689), Schuders (685) e Scharans (677). A fin è la concorrenza

per quels teams: Sent (686), Arvigo-Mesocco-San Vitore (678), Degen (661) ed Igis-Landquart (650).

Segund meglier resultat per Castrisch

En il champ E (armas d'ordonnanza senza il schluppet 57/03) èn da tschintg gruppas che han tratg la segunda runda svizra anc trais da la partida en la terza e decisiva runda naziunala. Cun ses 701

puncts è la gruppa da Castrisch rangada sin il segund plaz da total 100 gruppas. Cun il medem resultat ubain in resultat pli aut avess la qualificaziun finala per Castrisch dad esser pussaivla. Samnaun (692) e Monstein (690) èn las duas ulteriuras gruppas grischunas dasper Castrisch che sajettan la terza e davosa runda svizra. Versomi e Tavau n'èn betg pli da la partida.

Projects da votaziun dals 24 da settember 2017

■ (cc) La regenza ha prendi enconuschientscha dal fatg ch'ils suandants projects federals vegnan suttaless a la votaziun dal pievel la dumengia, ils 24 da settember 2017:
 – conclus federal dals 14 da mars 2017 davart la segirezza alimentara (cuntraproposta directa a l'iniziativa dal pievel «Per la segirezza alimentara» ch'è vegnida retratga)
 – conclus federal dals 17 da mars 2017 davart la finanziaziun supplementara da la AVS tras in augment da la taglia sin la plivalur
 – lescha federala dals 17 da mars 2017 davart la reforma da la prevenziun da vegliadetgna 2020.

Nua datti bigliets favureivels per festivals?

■ (rtr) Ir pli bunmartgà ad in open air u ad in concert tuna adina bain, oravant tut tar la giuventetgna. Mo nua pon ins cumprar bigliets pli favuraivels? Open airs e festivals vendan lur bigliets per gronda part sur portals d'internet sco «starticket» u «ticketino». I dat dentant er autras firmas che vendan ils bigliets sur lur atgnas paginas d'internet cun spezialas cundiziuns. Per exempel la pagina d'auto da posta: <https://www.postauto.ch/de/search/myplus-profitieren-mit-postauto>. Open airs svizzers han differents sponsurs. Ils sponsurs principals survegnan adina bigliets per meglras cundiziuns. Ils sponsurs cumpran il bigliets bunmartgà u ch'els survegnan schizunt ils bigliets gratuit. Persuenter fan ils sponsurs reclama per l'event. Er sin la pagina d'internet da la Migros survegnan ins adina puspè reducziuns sin differents open airs, reducziuns ch'ins paja cun puncts da cumulus: <https://www.migros.ch/de/cumulus/ticketshop.html>.

www.rtr.ch

al puls dal Grischun

RADIO

14.03 NOSS CHORS (rep.)

Festa da chant a Falera part 3



La gronda sentupada dals chors sursilvans è passada. En l'emissiuin da «Noss chors» pudais Vus tadlar ina selezziun da las producciuns da pag. La 45avla Festa da chant districtuala, entaifer ils 150 onns ch'il district da chant Surselva exista, è stada in grond eveniment. Betg mo per quels da Falera, mabain era per tut las chantaduras e chantadurs, dirigentas e dirigents e tut ils fans dal chant da chors. Da quest di, ch'è stà emplenì cun chant e musica, pudain nus tadlar oz la davosa da trais parts cun ina selezziun da las producciuns da pag.
 Redacziun: Gion Dominic Poble

19.00 L'INSTRUMENTALA

In di da stad



Stad, sulegl, temperaturas chaudas e vacanzas. E buna musica? Ma cler! E per lezza procura «L'instrumentala» dad oz.

Dal marsch «Summer Winds», sur hits da stad dals ultims onns fin tar il saut grec «Zorbas Dance». Tut quai ed anc bler'otra musica, che datt in zic atmosfera da stad, pudais Vus tadlar en «L'instrumentala» dad oz.
 Redacziun: Christa Soliva

20.03 PROFIL (rep.)

Simon Casutt – da Falera sin las Filippinas!

Igl è in zic in'aventura, dentant ina che Simon Casutt ha ponderà bain.



L'amur, il clima e la lavur èn ils motivs daco ch'il Sursilvan emigrescha la fin da questa stad en l'Asia. L'antierur politicher e confundatur da la Partida verd-liberala dal Grischun mida da ses biro sco «compliance manager» a Turig en in nov biro a Manila. Co che l'Asia ha gia ussa midà l'expert da finanzas e co ch'el patratga oz sur da far politica, raquinta el en il «Profil».
 Redacziun: Prisca Bigliel

TELEVISIUN

8.30 CUNTRASTS SIN SRF INFO (rep.)

Crappa, laina ed ossa

Scuvertas archeologicas
 Avant dus onns chatta il chavacristals Heinz Infanger ina corna-tschieriv en ses furn sut la Fuorcla da Strem Sut. Co po-

mai vegn ina corna-tschieriv en in furn da cristals sin 2830 meters sur mar? Avant



trenta onns chatta in scolast pensiunà en il Partenz in crap da fossa dals Germans. Daco pomai è quest German arrivà fin en il Grischun? Ils morts sin il santeri da la chasa da correcziun Realta han 5-6 giadas dapli costas ruttas che morts d'in santeri normal. Daco pomai han quests morts tantas ruttadiras? Respostas dat il Servetsch archeologic Grischun. «Crap, p, laina ed ossa» – in film sur da chats spectaculars, scuvertas commuventantas ed in flop en l'istorgia da l'archeologia grischuna.
 (Ulteriuras repetiziuns a las 9.30 e las 12.45)

17.40 TELESQUARD SIN SRF 1

L'emissiuin d'informaziun sin SRF 1 cun suttitels tudestgs sin TXT 777 (rep. sin SRF info tranter las 18.00–22.00)



al puls dal Grischun

RTR SIL PUNCT

L'INFURMAZIUN CUMPACKTA DURANT LA STAD

DALS 03-07 FIN ILS 18-08-2017

GLI-VE A LAS 17:50 SIN SRF 1

Dapli sin rtr.ch, social media, ubain sin Play RTR.

Deutsche Untertitel TXT 777

al puls dal Grischun

RADIO RUMANTSCH

05.03 Musica populara	12.06 Actual da mezdi
06.00 Novitads	12.15 Cumpact da mezdi
06.06 Actual la damaun	12.25 Prevista Telesguard
06.30 Novitads	12.30 SRF Rendez-vous
06.40 Impuls	13.00 Las gratulaziuns
06.50 Revista da medias/Meteo	14.00 Novitads
07.00 Novitads	14.03 Rep. Noss Chors
07.06 Actual la damaun	15.00 Novitads
07.30 Novitads	15.03 Musica
07.40 Kikeri6	16.00 Novitads
07.50 Revista da medias/Meteo	16.03 Sempervers / Top 3
08.00 Novitads	16.30 Program da kino
08.06 Actual la damaun	16.50 Prevista Telesguard
08.30 Novitads	17.00 Novitads
08.40 Il chavazzin dal di	17.06 Actual la saira
09.00 Novitads	17.30 Sport
09.03 La coppina	17.50 Meteo
09.15 Chalender	18.00 Novitads
09.30 Ina chanzun – in'istorgia	18.06 Cumpact – survista dal di
09.45 Tge chaussas	18.15 SRF Echo der Zeit
10.00 Novitads	19.00 L'instrumentala
10.15 Tips, trics e tacs – cifra	20.00 Novitads
10.30 Famus e glorius	20.03 Rep. Profil
10.55 Rep. Impuls	21.00 Novitads
11.00 Novitads	21.03 Musica
11.03 Actual da mezdi	22.00 Novitads
11.15 Co e cum	22.03 Musica
11.30 Novitads	23.00 Novitads
11.45 Total local	23.03 Grischun sonor
12.00 Novitads	23.55 Buna notg